

ACARA IBADAH MALAM

MEMPERINGATI HARI KELAHIRAN TUHAN JESUS



📖 **Ev: Mazmur 147 : 1 – 11** 📖 **Ep: Matius 1 : 18 – 23]**

TOPIK:

ENDEHON MA JAHOWA / BERNYANYILAH BAGI TUHAN

Jumat, 24 Desember 2021



HKBP RESORT YOGYAKARTA

Acara Ibadah Malam NATAL

24 Desember 2021

=====

00. Saat Teduh:

01. Marende: BE. No. 605: 1 - 3 LAS MA ROHAM

1. Las ma roham Tuhanta ro, gumomgom sasude ungap roham
Jangkon rajam marende ma sude, marende ma sude,
Marende, marende ma sude
2. Tano nang laut harangan i, nang awangawang i
Hauma i, nang sunge i, olophon Raja i
Olophon Raja i, olophon Raja i
(pada ayat 3, jemaat bangkit berdiri)
3. Bura binaen ni dosa i, marujung ma disi
Ai nunga ro Mesias i, mamboan dame i
Mamboan dame i, mamboan, mamboan dame i

02. Votum/Introitus/Doa: *(Liturgis; Jemaat; Semua)*

L: Marhitehite goar ni Debata Ama, dohot goar ni AnakNa Tuhan Jesus Kristus, dohot goar ni Tondi Parbadia, na tumompang langit dohot tano on!
A m e n.

L: Nunga patar hangoluan i, jala nunga huida hami, jala nunga huhatindanghon hami dohot hubaritahon hami tu hamu hangoluan na salelenglelengna, na dilambung ni Ama i hian jala naung patar di hami!
Haleluya

S: (Menyanyikan:) Haleluya, Haleluya, Haleluya!

L: Martangiang ma hita: Ale Debata, Ama na dibanua ginjang! Pujipujian, hasangapon dohot hamauliateon husombahon hami tu Ho, marningot silehonlehonMi na balga i tu hami jolma na di pardangolan on, ima AnakMu Jesus Kristus na sinuruMi sian banua ginjang ala ni hami. Gabe na dangol do Ibana jala na pogos, pola tubu Ibana di bara ni Betlehem, asa mamora hami. Sai rajai jala togutogu hami marhite TondiM, asa lam huida hami godang ni holong ni rohaM na pinapatar ni AnakMi.

S: A m i n.

03. Marende: BE. NO. 56 : 1 + 3 “SAI RO MA HAMUNA” BL. 139

1. Sai ro ma hamuna angka na porsea

Sai ro ma hamuna tu Betlehem

Idadakdanak Sipalua hita tasomba ma Ibana

Tasomba na Ibana, tasomba ma Ibana, Rajanta

(Ketika menyanyikan ayat 3, pembaca liturgi utusan dari sektor berjalan maju ke depan)

3. Hamuna suruan, puji ma Jahowa

Rap dohot sude na martua i

Sangap di Tuhan Debata di surgo tasomba ma Ibana

Tasomba na Ibana, tasomba ma Ibana, Rajanta

04. Pembacaan Hukum Taurat: Mazmur 98:1- 9

L: Tabege ma hata ni Debata, na gabe Patik dihita, di borngin hatutubu ni Tuhanta Jesus Kristus, ima na tarsurat di Ende ni Psalmen 98:1-9. Songon on do di dok:

Utusan Sektor Tengah: Endehon hamu ma di Jahowa * ende na imbaru sada, ai nunga dipambahan Ibana angka halongangan; nunga ditumpahi siamunna i dohot tanganna na badia i Ibana.

Utusan Sektor Barat: Nunga dipabotohon Jahowa hatuaonna i, nunga dipapatar Ibana hatigoranna i di adopan ni angka parbegu. Nunga diingot Ibana asi ni rohana dohot hasintonganna tu bagas ni Israel, nunga diida * luhut ujung ni tano on hatuaon ni Debatanta.

Utusan Sektor Utara: Marsuraksurak ma ho, ale sandok tano on, mangolophon Jahowa, pangiar ma soaram marolopolop, jala marende ma hamu. Puji hamu ma Jahowa, marangkup arbap, mardongan arbap dohot soara ni ende!

Utusan Sektor Selatan: Marolopolop ma hamu di jolo ni Raja Jahowa, mardongan sarune dohot soara ni sangka. Mardorom ma laut ro di isina, portibi on ro di pangisina i.

Utusan Sektor Timur: Martopaptopap ma angka batang aek, rap marolopolop ma angka dolok. Dijolo ni Jahowa, ai nunga ro Ibana laho manguhum tano on,

uhumonna ma portibi on marhitehite hatigoran
dohot angka bangso marhitehite hasintongan.

L: Songon i ma patik ni Debata dihita. Antong Rap ma hita magido gogotu
adopan ni Debata, laho mangulahon patikNa i.

S: Ale Tuhan Debata, sai pargogoi ma hami, laho mangulahon patikMi. Amen.

05. Marende: BE. No. 608: 1-2 "O BETLEHEM NA METMET I"

1. O Betlehem na metmet i boasa modom ho,
Humirdophirdop bintang i hohom marnida ho,
Alai ro sian ho do panondang na tongtong,
Napinarsinta na sai laon sorang di borngin on.

(pada ayat 2, jemaat bangkit berdiri)

2. Na sorang do diborngin i Kristus Tuhanta i,
I do na pinaboa ni bintang natiur i,
Parangan pardisurgo mamaritahon i,
Sangap di Debatanta i, dame di tano on.

06. Manopoti Dosa Dohot Bagabaga ni Debata:

L: Tapaunduk ma dirinta diadopan ni Debata, tatopoti ma dosanta dijoloNa,
martangiang na hohom ma hita>> (*— saat teduh sejenak — setelah musik saat teduh, kemudian liturgi dibacakan*)

Ale Tuhan Debata Amanami, pargogo na so hatudosan, parasiroha mida
hami na dangol on! Na ro do hami tu jolom manopoti dosanami na godang
i. Dibagasan hajahaton do hami tubu jala ndang adong haporseaon
dibagasan rohanami hian, saluhut do hami manimbil sian dalamMu. Mansai
godang do pangalaosionnami dipatikMu. Alai ingot ma hami ale Tuhan, ala
ni Denggan ni basaM dohot asi ni rohaM. Sai unang paingotingot angka
dosa ni haposoonnami dohot pangalaosionnami; Sai ingot ma hami hombar
tu asi ni rohaM dohot denggan ni basaM ala ni goarMu. Ale Tuhan Jesus,
marparmuati ma rohaM didosanami na godang i! amin

L: **Tabege ma bagabaga ni Debata taringot tu hasesaan ni dosanta:**

Songon on do panghaholongi Debata di portibi on, pola do AnakNa na
sasada i dilehon, asa unang mago ganup na porsea di Ibana, asa hangoluan
na salelengnilelengna di ibana. (Yohannes 3: 16).

Hasangapon ma di Debata na diginjang!

S: A m i n!

07. Marende: BE. NO. 52 : 1 – 2 HATUAON DO BL.55

1. Hatuaon do, las ni roha do
Hatutubu ni Jesus i, hatutubu ni Jesus i
Domu do hita tu Debatanta
Las be, las be ma rohanta i

(Ketika menyanyikan ayat 2, pembaca liturgi Epistel utusan dari Kategorial berjalan maju ke depan)

2. Hatuaon do, las ni roha do
Hatutubu ni Jesus i, hatutubu ni Jesus i
Mago do jolma, ro ma Tuhanta
Las be, las be ma rohanta i

08. Nas Epistel/ Matius 1:18-23>>>

L: Tabege ma turpuk Epistel di borngin hatutubu ni Tuhanta Jesus Kristus di hita dibagasan borngin on, ima na tarsurat di Matius 1:18-23. Songon on do di dok:

Utusan Sektor Tengah: Ianggo hatutubu ni Jesus Kristus songon on do: Uju oroan ni si Josep i dope inana, si Maria i, gabegabean do ibana sian Tondi Parbadia, andorang so masipadonohan dope nasida.

Utusan Sektor Barat: Ala parroha na bonar si Josep, na mangoro si Maria, ndang adong rohana paurakkon nasida, gabe ditahi rohana nama, naeng sirangkononna songon i.

Utusan Sektor Utara: Alai di na songon i dope tahi ni rohana, diida ma di nipina surusuruan ni Tuhan i, na mandok tu ibana: O Josep, anak ni si Daud, unang alang roham mangalap si Maria, gabe donganmu saripe muse, ai na sian Tondi Parbadia do na naeng tubu di ibana.

Utusan Sektor Selatan: Tumubuhon Anak ma ibana; Jesus do Goarna, bahenonmu, ai paluaonna do bangsona sian angka dosanasida be.

Utusan Sektor Timur: Masa pe sudena i, asa jumpang na hinatahon ni Tuhan i marhite sian panurirangna na mandok: "Ida hamu ma, gabegabean do na marbaju i, tubuan Anak ma ibana; jala bahenon do Goarna

Immanuel, lapatanna: Donganta ma
Debata!"Amin.

L: Ima sahatna. *Martua ma na tumangihon hata ni Debata, jala na umpeopsa*
S: Amen. *(pembaca liturgi Epistel kembali ke tempat duduk)*

09. Marende : BE. NO. 54 : 1 – 2 SONANG NI BORNGINNA I BL.64

(lampu gereja dipadamkan, seiring dengan jemaat bernyanyi)

1. Sonang ni bornginna i uju ro Jesus i
Sonang modom do halak sude holan dua na dungo dope
Mangingani Anak na Jesus, Tuhanta i

(Ketika menyanyikan ayat 2, semua jemaat diundang bangkit berdiri. Kemudian diperkenankan maju ke depan untuk menyalakan lilin: 1. Pengkhotbah, 2. Utusan parhalado, 3. Utusan Dewan, 4. Utusan Seksi, 5. Utusan Sektor/Wijk/Lingkungan)

2. Denggan ni bornginna i uju ro Jesus i
Tu parmahan di Betlehem i dipaboa na di surgo i
Nunga ro Sipangolu, Jesus Tuhanta i

10. Manghatindanghon Hata Haporseaon

L: Hita naung manjalo hatiuron ni Debata diportibi na holom on,
tihatindanghon ma haporseaonta i, songon na hinatindanghon ni donganta
sahaporseaon, disandok portibi on, rap ma hita mandok:

S: *Ahu porsea dst;*
(setelah pengakuan iman, lampu kembali dinyalakan)

11. Koor : Koor Ama Immanuel Dan Koor Gabungan Perempuan

12. Marende : BE. NO. 62 : 1 – 2 HALALAS NI ROHA BL.172

1. Halalas ni roha godang na hubaritahon on
Nunga tubu Sipalua di hita jolma on
Hasangapon di Debata, laos dame, dame, dame ma di jolma
Lomo ni roha ni Debata do hita jolma on
2. Ai saborngin on do binsar bintang di na holom i
Sumondangi hagolapon na di rohanta i
Hasangapon di Debata, laos dame, dame, dame ma di jolma
Lomo ni roha ni Debata do hita jolma on

13. Renungan Evangelium MalamNatal: Psalmen/ Mazmur 147:1 - 11

14. Marende: BE. No. 607: 1 - 2 “NUNGA TUBU KRISTUS I”

(Papungu pelean)

1. Nunga tubu Kristus i haleluya, di huta Betlehem i haleluya
Gabe daging Hata i haleluya, di mula ni Natal i haleluya
2. Narade tarsilang i haleluya, dipartangkurahan i haleluya
Mangoloi Amana i haleluya, lao manghophop jolma i haleluya

15. Penutup: Doa dan Berkat

